

BOSNA I HERCEGOVINA  
FEDERACIJA BOSNE I HERCEGOVINE  
HERCEGOVAČKO NERETVANSKI KANTON  
**OPĆINSKI SUD U KONJICU**  
Broj: 56 0 Su 090347 26 Su  
Konjic, 10.06.2026.godine

Na temelju člana 31. stav 1. Zakona o sudovima u Federaciji BiH („Službene novine Federacije BiH“ broj: 38/05, 22/06, 63/10, 72/10, 7/13, 52/14), člana 57 Zakona o zaštiti osobnih podataka Bosne i Hercegovine („Službeni glasnik BiH“ broj: 12/25), te Smjernica Visokog sudskog i tužilačkog vijeća Bosne i Hercegovine za upotrebu sistema video nadzora na zgradama pravosudnih institucija u Bosni i Hercegovini ( broj: 09-02-3-989-1/20 od 10.03.2020.godine, predsjednica suda, **d o n o s i**:

**O D L U K U**  
**o video nadzoru u Općinskom sudu u Konjicu**

**I. OPĆE ODREDBE**

**I**

Ovom odlukom uspostavlja se sistem video nadzora u Općinskom sudu u Konjicu definira svrha i opravdanost, te određuju pravila prikupljanja, obrade, način korištenja i davanja prikupljenih podataka, kao način i vrijeme čuvanja podataka.

Sistem video nadzora vlasništvo je Općinskog suda u Konjicu.

**II**

Nosilac podataka, u smislu ove odluke, je fizičko lice čiji se identitet može utvrditi neposredno ili posredno na osnovu fizičkog izgleda tog lica.

**III**

Video nadzor znači snimanje i pohranjivanje vizualnih zapisa.

Podaci koji se obrađuju sistemom video nadzora, predstavljaju osobne podatke u skladu sa Zakonu o zaštiti ličnih podataka BiH (Službeni glasnik BiH broj: 12/25) i pod zakonskim propisima kojima se regulira zaštita podataka i provedba sistema tehničke zaštite (video nadzora) i sadrže: sliku, pokret, vrijeme i datum video zapisa.

**II. SVRHA SISTEMA VIDEO NADZORA**

**IV**

1. Sistem video nadzora uspostavljen je s ciljem pružanja višeg nivoa zaštite, kako imovine, tako i nosilaca pravosudnih funkcija, drugih zaposlenika i posjetilaca u zgradi Suda, bezbjednost i zaštitu dokaznih materijala, radi kontrole ulazaka i izlazaka iz prostora Suda.

2. Sprečavanja, onemogućavanja i prema potrebi istraživanja sigurnosnih incidenata, mogućih opasnih ili neovlaštenih fizičkih ulazaka, uključujući neovlaštene pristupe osiguranim prostorima pod zaštitom IT infrastrukturi ili operativnim informacijama, te upravljanju njima.
3. Sprečavanja, otkrivanja i istraživanja slučajeva krađe opreme ili imovine u vlasništvu Suda ili Sudske policije, zaposlenika ili posjetilaca, kao i sprečavanju, otkrivanju i istraživanju sigurnosnih prijetnji u zgradi.
4. Odvratanje od činjenja navedenih i svih drugih inkriminiranih radnji u i oko prostorija Suda i Sudske policije.

## V

Sistem video nadzora može se upotrebljavati samo u skladu sa svrhom propisanom ovom odlukom.

Sistem video nadzora, nije dozvoljeno koristiti radi kontrole zaposlenika, osim kada se radi o zaposlenicima koji su neposredno angažiranih na poslovima vezanim za sigurnost, zaštitu i kontrolu pristupa i kada je radno mjesto zaposlenika na javnom mjestu, koje je označeno kao mjesto koje je pod video nadzorom.

Podaci prikupljeni sistemom video nadzora ne smiju se koristiti suprotno Zakonu o zaštiti ličnih podataka BiH.

### **III. OBIM PODATAKA VIDEO NADZORA**

## VI

Sistem video nadzora u Općinskom sudu u Konjicu je konfigurisan na klijent- server principu, na način da se administracijski dio operacija (snimanje, konfiguracija kamera, postavke kamera, skladištenje snimaka i sve ostale upravljačke funkcionalnosti) izvode na serverskoj platformi koju predstavlja video snimač Hikvision sa 16 kanala i nalazi se instaliran u Server sobi, u prizemlju zgrade Suda.

Klijentski dio predstavlja, udaljeni računar na koji je instaliran klijentski softver za navedeni snimač i nalazi se u prostoriji Sudske policije.

Kamere u upotrebi su IP kamere visoke razlučivosti i razmještene su tako da pokrivaju spoljašnjost i unutrašnjost zgrade Suda.

Sistem video nadzora obuhvata, unutrašnje i vanjske kamere i čini ukupno 16 uređaja (kamera), kojima se nadziru slijedeći prostori:

8 kamera koje nadziru vanjski dio zgrade:

- 1 kamera koja nadzire lijevi bočni dio zgrade Suda;
- 2 kamere koje nadziru prilazni plato iza zgrade Suda;
- 1 kamera koja nadzire prolaz sa desne strane Suda ;
- 3 kamere koje nadziru prednji dio zgrade i ulaz u zgradu Suda;
- 1 kamera koja nadzire parking za službena vozila Suda i Sudske policije;

8 kamera koje nadziru unutrašnje prostorije Suda:

- 2 kamere postavljene u hodniku prizemlja suda;
- 1 kamera u prostoriji za privedene osobe koja se nalazi u prizemlju zgrade Suda;
- 1 kamera u sudnici, krivična/parnična, koja se nalazi na prvom spratu,
- 2 kamere u hodniku na prvom spratu suda, postavljene unakrsno jedna u odnosu na drugu;
- 2 kamere u hodniku na drugom spratu suda, postavljene unakrsno jedna u odnosu na drugu.

Sistem video nadzora aktivan je 24 sata dnevno, svih sedam dana u nedjelji.

## VII

Sistem automatski kreira video zapise sa svih 16 kamera i bilježi ih na HDD od 500 GB koji je instaliran na video snimaču, i čuva 30 dana, nakon čega ih automatski briše, tako da se na HDD-u video snimača u svakom momentu mogu naći video zapisi sa svih kamera unazad 30 dana.

Snimci koji se skladište na HDD-u se mogu pregledati direktno na video snimaču ili putem klijentske platforme koju koristi Sudska policija.

Sve radnje koje se izvode od strane sistema automatski ili manuelno od strane korisnika sistema putem klijentske platforme, bilježe se na serveru u evidenciju (Log) događaja.

Podatke o događajima koji su zabilježeni u Log-u moguće je izvesti na prenosni medij (USB stick) u formi fajla u. txt formatu, mogu se pregledati i po potrebi isprintati.

## **IV. PROVEDBA VIDEO NADZORA**

### VIII

Sud je postavio oznake da je objekt odnosno pojedina prostorija u njemu pod video nadzorom.

Zaposlenici i posjetioci Suda biće obaviješteni o provedbi video nadzora na način, da se na objektu i unutar Suda nalazi oznaka slikom i tekstom da se prostor snima video nadzornom kamerom.

### IX

Nadzor nad monitorima i uređajima za snimanje nalaze se u prostoriji Sudske policije. Pristup softveru je moguć isključivo uz upotrebu korisničkog imena i passworda koji posjeduje Sudska policija.

Putem klijentskog softvera moguće je:

- Live stream (živo) praćenje trenutnih događaja sa kamera;
- Pregledavanje snimaka zabilježenih sa kamera za prethodnih 30 dana;
- Download određenog snimka na radnu stanicu (računar) te njegovo presnimanje na DVD u slučaju eventualne potrebe; Pregledavanje Log-a događaja po datumu (isključivo pregledavanje, nije moguće uraditi nikakvu izmjenu niti brisanje određenih događaja zapisanih u Log fajl).

## X

Pravo na davanje informacija prikupljenih sistemom video nadzora (kopiranje ili preuzimanje-presnimavanje snimljenog materijala) na zahtjev treće strane (pravne ili fizičke osobe), može odobriti isključivo predsjednica Suda, uvažavajući odredbe Zakonu o zaštiti osobnih podataka BiH i Zakona o slobodi pristupa informacijama, istovremeno ocjenjujući i pitanja koja su ili mogu biti od značaja za bezbjednost objekta i osoba u Sudu.

Svako postupanje i davanje na uvid podataka izvan Suda i nadležne organizacione jedinice Sudske policije se dokumentira i vodi posebna evidencija.

Daje se ovlaštenje, višem samostalnom referentu za informacijske i komunikacijske tehnologije, ovog suda, komandiru stanice Sudske policije Konjic ili osobi koja ga mijenja da mogu uz korištenje pristupnih šifri imati pristup sistemu video nadzora u smislu, kopiranja video isječaka na podnesene zahtjeve od strane trećih lica, isključivo odobrenih od predsjednice Suda.

## XI

U slučaju opravdane sumnje, a u svrhu dokazivanja, predsjednica Suda može u svakom pojedinom slučaju odlučiti o potrebi čuvanja zapisa nakon proteka propisanog roka.

Snimke kojima se dokazuje povreda svrhe video nadzora (incidentne situacije u Sudu, sudnici, sigurnost zaposlenika i stranaka) pohranit će se na optički disk CD ili DVD i čuvati godinu dana od dana pohranjivanja zapisa.

Snimke dobivene putem sistema video nadzora smatraju se poslovnom tajnom.

## V. ZAVRŠNE ODREDBE

## XII

Danom stupanja na snagu ove Odluke, prestaje da važi Odluka o pristupu i korištenju sistema video nadzora u Općinskom sudu u Konjicu broj: 56 0 Su 066840 20 Su od 24.09.2020.godine.

## XIII

Odluka stupa na snagu danom donošenja i objavit će se na web stranici Suda.

